

Ո Ր Ո Շ Ո Ւ Մ Թ Ի Վ 514/6
/վարչական տույժ նշանակելու մասին/

«03» հունիսի 2020թ

ք. Վանաձոր

ՀՀ ՊԵԿ Արևելյան մաքսատուն-վարչության պետ Գարիկ Դարբինյանս, ուսումնասիրելով Արմեն Վարդանի Ղազազյանի /անձն. BA3175320 հասցե՝ Հայաստանի Հանրապետություն Լոռի Վանաձոր Տերյան 14Ա բն.7/ կողմից մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

Հայաստանի Հանրապետության քաղաքացի Արմեն Ղազազյանի անվամբ 23.09.2018 թվականին թիվ 05100033/230918/0008897 ապրանքների հայտարարագրով «Ժամանակավոր ներմուծում» մաքսային ընթացակարգով 1 ամիս ժամկետով ՀՀ տարածք է ներմուծվել 560 կգ ընդհանուր քաշով, 96488 ՀՀ դրամ մաքսային արժեքով պլաստմասե օգտագործված արկղեր: Նշված ապրանքի ժամանակավոր ներմուծման վերջնաժամկետ սահմանվել է մինչև 22.10.2018 թվականը, սակայն նշված ապրանքի հետագա արտահանման պարտավորությունը չի կատարվել:

Փաստի առթիվ ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի գլխավոր մաքսային տեսուչ-իրավաբանի կողմից 05.05.2020 թվականին Արմեն Ղազազյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի հատկանիշներով: Նշանակել է գործի քննություն 03.06.2020 թվականին ժամը 12:00-ին: Վերջինս ծանուցվել է:

Գործի քննության շրջանակներում թիվ Ն/22-4/32271-2020 գրությամբ հարցում է կատարվել ՀՀ ՊԵԿ մաքսատուն-վարչություններ, Արմեն Ղազազյանի կողմից /անձն. BA3175320 /Ա/Հ թիվ 05100033/230918/0008897 ՀՀ ժամանակավոր ներմուծված /ԱՏՏԳԱԱ 39231000000 ծածկագրով/՝ պլաստմասե արկղերը այլ ընթացակարգով ձևակերպվել են թե ոչ:

Պատասխան գրությամբ հայտնվել է, որ նշված ապրանքները մաքսատուն-վարչություններում չի ձևակերպվել:

21.05.2020թ. թիվ /22-4/32271-2020 գրությամբ հարցում է կատարվել ՀՀ ոստիկանության անձնագրային և վիզաների վարչություն՝ ՀՀ քաղաքացի՝ Արմեն Ղազազյանի (անձնագիր՝ BA3175320) ՀՀ-ում հաշվառված լինելու վերաբերյալ տեղեկություններ ստանալու համար:

Պատասխան գրությամբ հայտնել են, որ ՀՀ ոստիկանության անձնագրային և վիզաների վարչություն բնակչության պետական ռեգիստրի տվյալների՝ քաղ. Արմեն Վարդանի Ղազազյանին ծնված 21.12.1981թ. ՀՀ ոստիկանության ԱՎ վարչության անձնագրային ծառայության կողմից 27.06.2019թ. տրվել է ՀՀ քաղաքացու AS սերիայի թիվ 0675482 անձնագիրը: 03.10.2013թ. հաշվառված է Վանաձոր Տեղյան փ. 14Ա բն.7 հասցեով:

ՀՀ ՄՕ 219 հոդվածի 2-րդ մասի ուժով սույն վարչական գործը քննվում է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Ըստ ՍԷԿՏ համակարգի վերջինս Հայաստանի Հանրապետությունից դուրս է եկել 19.04.2020 թվականին:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները

սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

ԵՏՄ մաքսային օրենսգրքի 219-րդ հոդվածի 1-ին մասի համաձայն /այսուհետ՝ Օրենսգիրք/ «Ժամանակավոր ներմուծում (թույլտվություն)» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան այդ ապրանքները ժամանակավոր գտնվում և օգտագործվում են Միության մաքսային տարածքում, պահպանելով ապրանքներն այդ մաքսային ընթացակարգով ձևակերպելու և այդ մաքսային ընթացակարգին համապատասխան դրանք օգտագործելու պայմանները՝ ներմուծման մաքսատուրքերի, հարկերի մասնակի վճարմամբ և առանց հատուկ, հակազնագցման, փոխհատուցման տուրքերի վճարման կամ առանց ներմուծման մաքսատուրքերի, հարկերի վճարման և առանց հատուկ, հակազնագցման, փոխհատուցման տուրքերի վճարման:

Օրենսգրքի 221-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի գործողության ժամկետը չի կարող գերազանցել 2 տարին՝ «Ժամանակավոր ներմուծում (թույլտվություն)» մաքսային ընթացակարգով ապրանքները ձևակերպելու օրվանից սկսած, կամ Հանձնաժողովի կողմից սույն հոդվածի 2-րդ կետին համապատասխան սահմանված ժամկետը:

Նույն հոդվածի 4-րդ մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի՝ մաքսային մարմնի կողմից սահմանված գործողության ժամկետն անձի դիմումի համաձայն կարող է երկարաձգվել՝ մինչև այդ ժամկետը լրանալը կամ լրանալուց հետո 1 ամսից ոչ ուշ՝ տվյալ մաքսային ընթացակարգի՝ սույն հոդվածի 1-ին կետով նախատեսված կամ Հանձնաժողովի կողմից սույն հոդվածի 2-րդ կետին համապատասխան սահմանված տվյալ մաքսային ընթացակարգի գործողության ժամկետի սահմաններում:

Վարչական վարույթի շրջանակներում հարցում է կատարվել ՀՀ ՊԵԿ աշխատակազմի մաքսատուն-վարչություններ՝ նշված ապրանքը ձևակերպված լինելու վերաբերյալ տեղեկատվություն ստանալու նպատակով: Ի պատասխան հայտնել են, որ նշված ապրանքի վերաբերյալ որևէ մաքսային գործառնություն չի կատարվել:

Վարչական մարմինը ուսումնասիրելով Արմեն Ղազազյանի նկատմամբ հարուցված վարչական վարույթի նյութերը գտնում է, որ Արմեն Ղազազյանի արարքում առկա է ՀՀ ՄՕ 199 հոդվածի հատկանիշներ: Վերջինս ցուցաբերել է անգործություն և չի օգտվել օրենքով իրեն վերապահված արտոնությունից՝ չի դիմել վարչական մարմին <<Ժամանակավոր ներմուծում>>

մաքսային ընթացակարգի ժամկետը երկարաձգելու խնդրանքով: Մինևույն ժամանակ չի կատարել վերոնշյալ ապրանքի վերաարտահանման պարտավորությունը կամ նշված ապրանքը չի ձևակերպել օրենքով նախատեսված այլ մաքսային ընթացակարգով:

Ըստ ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի 1-ին բաժանմունքի մաքսային տեսուչի կողմից ներկայացված գեկուցագրի՝ 560 կգ պլաստմասե օգտագործված արկղերը <<ներքին սպառման համար բացթողում>> մաքսային ընթացակարգով ձևակերպելու դեպքում կառաջանան մաքսային վճարներ՝ մաքսատուրք՝ 6272 ՀՀ դրամ, ԱԱՀ՝ 20552 ՀՀ դրամ և բնապահպանական վճար՝ 1930 ՀՀ դրամ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի՝ Արմեն Ղազազյանին ենթարկել վարչական պատասխանատվության՝ տուգանելով 50000 ՀՀ դրամի չափով:
2. Որոշման մասին հայտնել Արմեն Ղազազյանին՝ պարզաբանելով, որ այն ՀՀ մաքսային օրենսգրքի 221-րդ հոդվածի համաձայն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71-րդ հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին, կամ ՀՀ վարչական դատավարության օրենսգրքի 72-րդ հոդվածի 1-ին մասի 1-ին կետի համաձայն՝ 2 ամսվա ընթացքում ՀՀ վարչական դատարան:

Սույն որոշմամբ նշանակված տուգանքի վճարման հաշվեհամարն է. 900005024055՝
(Արևելյան մաքսատուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝



Գ. ԴԱՐԲԻՆՅԱՆ